



დაიჯესტი

23-29 ივლისი, 2022



ტერორიზმის კვლევითი ცენტრი
TERRORISM RESEARCH CENTER

ამერიკის შეერთებული შტატები

[მიმდინარე წლის აპრილში, ბრუკლინში, მანჰეტენზე მიმავალ N მატარებელზე ცეცხლის გახსნაში ბრალდებული ფრენკ ჯეიმსი მომავალი წლის დასაწყისში სასამართლოს წინაშე წარდგება.](#) ორშაბათს ბრუკლინის ფედერალურმა მოსამართლემ სასამართლო განხილვის თარიღად 2023 წლის 27 თებერვალი დანიშნა, მას შემდეგ რაც პროკურორებმა საქმეზე მტკიცებულებების დიდი რაოდენობა გამოავლინეს. „ბრალდებულის მიერ 2022 წლის 13 აპრილს ან სავარაუდოდ 2022 წლის 13 აპრილს გაკეთებული ვიდეო ჩანაწერები, „YouTube- დან შეგროვებული ვიდეოები“ პროკურორების განცხადებით ასევე გამოყენებული იქნება საქმის ნაწილად. მთავრობამ შეაგროვა უამრავი ფოტო, ჩანაწერი და ანგარიში და გადასცა ისინი ჯეიმსის დაცვის გუნდს. 12 აპრილს, ჯეიმსმა სავარაუდოდ ესროლა და დაჭრა 10 მგზავრი მანამ, სანამ გამოცხადებული ძებნის შემდეგ ისტ-ვილიჯში, მანჰეტენისა და ბრუკლინის ნაწილებში, დააკავებდნენ.

სამშაბათს, ფედერალური სააპელაციო სასამართლოს მიერ გაკეთებული განაცხადის თანახმად, ლიბიის მილიციის ლიდერს, [აჰმედ აბუ ხათალას, რომელიც მონაწილეობდა 2012 წლის სასიკვდილო თავდასხმაში ლიბიაში აშშ-ს დაზვერვისა და დიპლომატიურ ობიექტზე, მიესაჯა „არაგონივრულად დაბალი“ სასჯელი](#) და მისი საქმე უნდა გადაეგზავნოს ქვედა სასამართლოს სასჯელის ზომის ხელახალი გადაწყვეტილებისთვის. აჰმედ აბუ ხათალა 2017 წელს DC ფედერალურ სასამართლოში დამნაშავედ ცნეს ტერორიზმში მონაწილეობისთვის, ნახევრად ავტომატური იარაღით შეიარაღებული ბენდაზის თავდასხმაში ჩართვისა და აშშ-ს ქონების განადგურების გზით არაერთი სიცოცხლის საფრთხის ქვეშ დაყენებისთვის, მაგრამ ნაფიცი მსაჯულები არ იყვნენ დარწმუნებულები, რომ მას რაიმე მონაწილეობა ჰქონდა ელჩის ჯ. კრისტოფერ სტივენსის და სამი სხვა ამერიკელის მკვლელობაში, რომლებიც დაიღუპნენ თავდასხმაში. 24 ბრალდებიდან ოთხის გარდა ყველა გაამართლეს. ხათალამ გაასაჩივრა თავისი ბრალდებები და განაცხადა, რომ მტკიცებულებები შეიცავდა ხარვეზებს, განაჩენი არათანმიმდევრული, პროკურორის დასკვნითი არგუმენტი კი მიკერძოებული იყო. მოსამართლეთა კოლეგიამ უარყო ეს მოსაზრებები, საბოლოოდ კი დაადგინა, რომ ხათალა, რომელსაც სასამართლოში მოიხსენიებენ, როგორც Khataallah, სამართლიანად ცნეს დამნაშავედ და მისი 22-წლიანი პატიმრობა იყო „შემაძრწუნებლად დაბალი და დაუსაბუთებელი“.

[ყოფილ საზღვაო ქვეითს ბრალად ედება იმ ნეო-ნაციონალური ჯგუფის ხელმძღვანელობა, რომელიც, სავარაუდოდ, გეგმავდა თავდასხმას ნიუ-იორკის სინაგოგაზე.](#) მეთიუ ბელანჯერს ბრალი ასევე ცეცხლსასროლი იარაღის ფლობის/შეძენის კანონის დარღვევაში ედება და სასამართლოს დოკუმენტების თანახმად, შესაძლოა 20 წლამდე სასჯელი მიესაჯოს. გასულ თვეში აშშ-ს საოლქო სასამართლოში შეტანილი საჩივარი ამტკიცებდა, რომ ბელანჯერმა, სანამ ის ჰონოლულუში საზღვაო ქვეითად მსახურობდა, გადაუხადა პოლიციელს ლონგ აილენდში, ნიუ-იორკში, რათა ეყიდა მისთვის იარაღი, რომლის ყიდვის უფლებაც ლეგალურად არ ჰქონდა. როდესაც გამოძიების ფედერალურმა ბიურომ ბელანჯერს გამოჰკითხა მისი კუთვნილი იარაღის შესახებ, მან არ ახსენა PTR ავტომატი ან ლიგერის სტილის პისტოლეტი, რომელიც მას ოფიცერმა

უყიდა. FBI-მ დაიწყო ბელანჯერის გამოძიება იმ ეჭვის საფუძველზე, რომ იგი გეგმავდა ადამიანებისთვის ზიანის მიყენებას და ქონების განადგურებას სიძულვილით მოტივირებული თავდასხმების შედეგად. „გამოძიება ეფუძნებოდა მტკიცებულებებს, რომ ბრალდებული იყენებდა სოციალურ მედიას სხვებთან შეთქმულებისთვის, მათ შორის Raperkieg-დ წოდებული ჯგუფის წევრებთან, სიძულვილის დანაშაულების ჩასადენად“, - ნათქვამია ამ თვეში სასამართლოსთვის წარმოდგენილ დოკუმენტებში. ლონგ აილენდში დაფუძნებულმა ჯგუფმა „იყიდა იარაღი, უნიფორმა და ტაქტიკური აღჭურვილობა და განიხილა სინაგოგაზე, ებრაელებზე, ქალებსა და უმცირესობებზე თავდასხმა, მათ შორის „მტრების“ გაუპატიურება, დაჭრა, ჩაგვრა, მუქარა და დაშინება და თეთრკანიანი ქალების გაუპატიურება, რათა Raperkieg-ის სამომავლო მიზნების შესაბამისად, შეექმნათ თეთრი ეთნოსახელმწიფო აქსელერაციონისტული საშუალებებით“.

ირლანდია

[ყოფილი ირლანდიელი ჯარისკაცი დაემის წევრობის ბრალდებით დააკატიმრეს.](#) 40 წლის ლიზა სმიტს, დუბლინის სასამართლოში 15 თვიანი პატიმრობა მიუსაჯეს, მას შემდეგ, რაც იგი მიმდინარე წლის დასაწყისში ისლამისტურ ტერორისტულ დაჯგუფებაში განწევრიანების გამო გაასამართლეს. თავდაცვის ძალების ყოფილ წევრს მაისში მოხსნეს ტერორიზმის დაფინანსების ცალკე ბრალდება დუბლინის არანაფიცი მსაჯულების სპეციალურ სისხლის სამართლის სასამართლოში ცხრაკვირიანი სასამართლო პროცესის შემდეგ. სმიტი, რომელმაც ისლამი მიიღო, სირიაში 2015 წელს წავიდა მას შემდეგ, რაც ტერორისტების ლიდერმა აბუ ბაქრ ალ-ბადდადიმ მუსლიმებს ქვეყანაში გამგზავრებისკენ მოუწოდა. მოსამართლე ტონი ჰანტმა თქვა, რომ სასამართლომ განიხილა მისთვის წარდგენილი მოხსენებები და მიმოიხილა სმიტის სირიის ბანაკებში გატარებული დრო. მოსამართლე ჰანტის მიხედვით, მოსამართლეთა კოლეგია სირიის ბანაკებში გატარებულ დროს აღიქვამს როგორც „მძიმეს“ და ციხეში ყოფნის "ეკვივალენტად". მისი თქმით, მოსამართლეებმა სასჯელზე „არსებითი“ შეღავათი გააკეთეს სმიტის პატიმრობაში ყოფნის გამო. "ყველა ფაქტორის დაბალანსების" შემდეგ სმიტს 15 თვიანი პატიმრობა მიესაჯა.

საფრანგეთი

ემანუელ მაკრონმა ოთხშაბათს განაცხადა, რომ [საფრანგეთს შეუძლია ბენინს მიაწოდოს დრონები და უფრო დახვეწილი იარაღი, რათა დაეხმაროს მას გაუარესებული ისლამისტური ამბოხის დაძლევაში.](#) მაკრონმა ეს პირობა დადო ბენინის პრეზიდენტ პატრის ტალონთან ერთობლივი პრესკონფერენციის დროს, სამ ქვეყნის - კაერუნის, ბენინისა და გვინეა-ბისაუს ტურნეს მეორე ეტაპზე. ბენინი, გვინეის ყურის ქვეყნებთან, ტოგოსთან და კოტ-დ'ივუართან ერთად, დგას ალ-კაიდასა და დაემთან დაკავშირებული ბოვეკების მზარდი თავდასხმების გამომწვევის წინაშე, რასაც განაპირობებს საჰელის ქვეყნებიდან, მალი, ბურკინა ფასო და ნიგერი, სამხრეთისკენ გავრცელებული ძალადობა. ბოლო კვირების განმავლობაში ბენინსა და ტოგოში მოხდა რამდენიმე სასიკვდილო თავდასხმა. საფრანგეთს ათწლეულის შემდეგ ჯარი გაჰყავს მალიდან და

ცდილობს ხელახლა განსაზღვროს თავისი სტრატეგია რეგიონში მეამბოხეებთან ბრძოლის კუთხით. ახალ სტრატეგიაში ცენტრალური ადგილი უკავია ქვეყნების დახმარებას ჯარების გაძლიერებაში, მხარდაჭერის უზრუნველყოფასა და ადგილზე განხორციელებული ოპერაციების ხელმძღვანელობის საშუალების მიცემას. ქვეყნებს, რომლებიც ამას მოითხოვენ, შეუძლიათ თავიანთ ტერიტორიაზე ჰყავდეთ ფრანგული ჯარები წარმოდგენილი. მაკრონმა თქვა, რომ საფრანგეთი უკვე უზრუნველყოფდა ბენინს დაზვერვით, სასწავლო მხარდაჭერითა და სხვა სამოქალაქო დახმარებით, რათა დაეხმაროს იმ ტერიტორიების განვითარებაში, რომლებიც ჯიჰადისტური საფრთხისადმი მონყვლადია. მაკრონმა პირობა დადო, რომ მალე მიაწოდებს სატრანსპორტო საშუალებებს, გამანადგურებელ აღჭურვილობას, ტყვიაგაუმტარ ჟილეტებსა და ღამის ხედვის აღჭურვილობასაც.

გერმანია

[სამშაბათს, გერმანიის მოქალაქე ვერენა მ., რომლის სრული სახელი არ იყო ცნობილი გერმანიის კონფიდენციალურობის წესების შესაბამისად, გაასამართლეს დაემის წევრობისთვის](#) და სხვა დანაშაულებისთვის, ის სირიაში თავის მცირეწლოვან შვილთან ერთად გაემგზავრა, რათა დაჯგუფების წევრი გამხდარიყო. მას 3 ½ წლით თავისუფლების აღკვეთა მიესაჯა. დუსელდორფის შტატის სასამართლომ განაცხადა, რომ ვერენა მ. ნასამართლევ იყო უცხოური ტერორისტული ორგანიზაციის წევრობაში და არასრულწლოვანის გატაცებაში, სხვა ბრალდებებთან ერთად. სასამართლომ დაადგინა, რომ ბრალდებული სირიაში 2015 წელს გაემგზავრა შვილთან ერთად, რომელიც მაშინ 5 წლის იყო. აღმოჩნდა, რომ იგი მართავდა ოჯახს და ზრდიდა შვილს დაემის იდეოლოგიის შესაბამისად, მისი ქმარი კი იბრძოდა დაჯგუფებისთვის, გარდა ამისა, წყვილი ასევე ფლობდა ორ კალაშნიკოვის ტიპის იარაღს. მოსამართლეებმა დაადგინეს, რომ ბავშვს გაუმართლა, რადგან უვნებელი გადაურჩა ორ აფეთქებას ბრალდებულის დაემთან თანამშრომლობის დროს. ბრალდებული 2019 წელს ჩაბარდა ქურთების ძალებს. ის და მისი სამი შვილი (კიდევ ორი დაიბადა სირიაში) - გასული წლის ოქტომბერში დააბრუნეს გერმანიაში. გასულ თვეში გერმანელს, რომელმაც თავისი მცირეწლოვანი ქალიშვილი სირიაში წაიყვანა, სამი წელი და სამი თვე მიუსაჯეს.

თურქეთი

თურქეთის საგარეო საქმეთა სამინისტრომ დაიბარა შვედეთის საქმეთა დროებითი რწმუნებული ანკარაში, რათა [გამოეხატა თავისი „მკაცრი რეაქცია“ „ტერორისტულ პროპაგანდაზე“ სტოკჰოლმში ქურთული ჯგუფის საპროტესტო აქციის დროს](#). ფინეთმა და შვედეთმა ნატოში განწვრიანებაზე განაცხადი რუსეთის მიერ უკრაინაში შეჭრის საპასუხოდ გააკეთეს, მაგრამ შეხვდნენ თურქეთის წინააღმდეგობას, რომელმაც ისინი დაადანაშაულა ჯგუფების მხარდაჭერაში, რომელსაც თურქეთი ტერორისტულად მიიჩნევს. გასულ თვეს, სამმა ქვეყანამ ანკარას ვეტოს მოხსნის შესახებ შეთანხმებას მოაწერა ხელი იარაღის ექსპორტის და კონტრ-ტერორიზმის სანაცვლოდ.

სირია

[სირიაში ბერძნული მართლმადიდებლური ეკლესია, რომელიც აია სოფიას ასლის სახით აშენდა, დაიბომბა საზეიმო გახსნის დროს.](#) გავრცელებული ინფორმაციით, დაიღუპა სულ მცირე ორი ადამიანი და დაშავდა ათამდე. დაუზუსტებელმა „ტერორისტულმა ორგანიზაციებმა“ რაკეტა გაუშვეს, რომლის სამიზნეც აღნიშნული ეკლესიის საზეიმო გახსნის ხალხმრავალი ცერემონია იყო. შემთხვევა ქალაქ ალ-სუკაილაბიაში, სირიის ცენტრალური პროვინციის ჰამას ჩრდილო-დასავლეთით 30 მილის დაშორებით მოხდა კვირა დღეს. თავდასხმა მოიცავდა რაკეტებს, შაშხანებსა და შეიარაღებულ დრონებს. სირიის პრეზიდენტ ბაშარ ალ-ასადის მთავრობა ამ ეკლესიას აშენებდა თურქეთის მთავრობის მიერ აია სოფიას მეჩეთად გადაკეთების საპასუხოდ, იტყობინება კათოლიკური ახალი ამბების სააგენტო. აია სოფიას „მინი“ ასლის მშენებლობა, რომელიც ღვთაებრივი სიბრძნისადმი იყო მიძღვნილი, ორი წლის წინ დაიწყო დამასკოს მთავრობის თანხმობით. ვარაუდობენ, რომ თავდამსხმელები იყვნენ თურქეთის მიერ მხარდაჭერილი არასახელმწიფო აქტორების ნევრები.

ისრაელი

ტერორისტი, რომელმაც 2018 წელს გადაურბინა და მოკლა IDF-ის ორი ჯარისკაცი და მძიმედ დაჭრა კიდევ ორი სხვა ჯარისკაცი, კვირას სამარიის სამხედრო სასამართლოში [მკვლელობისა და ორი მკვლელობის მცდელობის ბრალდებით გაასამართლეს.](#) ტერორისტი ამტკიცებდა, რომ ინციდენტი ავტოავარია იყო და არა განზრახ თავდასხმა. 2018 წლის 16 მარტს IDF-ის ჯარისკაცები 21 წლის კაპიტანი ზივ დაუსი და სერჟანტი ნეთანელ კაჰალანი, 20, მოკლეს, როდესაც ბრალდებული მათ შეეჭახა აბების ყუთთან ახლოს, დასავლეთ სანაპიროს დასახლება მევო დოტანის შესასვლელთან. IDF-ის ცნობით, ბრალდებულმა ჯარისკაცებს უკან დაბრუნების წინ მანქანით ჩაუარა და მათკენ საათში 70 კილომეტრის სიჩქარით შეეჭახა მათ. იგი წარსულში უსაფრთხოების ზომების დარღვევის გამო ციხეში იმყოფებოდა. ბრალდებულს განაჩენს 11 სექტემბერს გამოუტანენ.

პალესტინელმა მამაკაცმა ქალაქ ბეიტ ფაჯარიდან ისრაელის ქალაქ მიგდალ ოზისკენ, ოზისკენ, [გუშ ეციონის დასახლების ბლოკში მოლოტოვის კოქტეილი ისროლა.](#) მოგვიანებით IDF-მა დაადასტურა ინციდენტი. IDF მამაკაცს დაედევნა და, როდესაც დააკავეს, მას ხელნაკეთი იარაღი, ასევე ფეიერვერკი და კიდევ ორი მოლოტოვის კოქტეილი აღმოუჩინეს. ეჭვმიტანილი შემდგომ დაკითხვაზე გადაიყვანეს.

[დასავლეთ სანაპიროზე ღამის რეიდების დროს უსაფრთხოების ძალებმა დააკავეს ტერორისტულ აქტივობებში მონაწილეობაში ეჭვმიტანილი 10 ადამიანი.](#) IDF-ის, შინ ბეტის შიდა უსაფრთხოების სამსახურისა და სასაზღვრო პოლიციის ძალებმა დააკავეს სამი ეჭვმიტანილი ტერორისტი ჯალაზუნის ლტოლვილთა ბანაკში რამალას მახლობლად, სადაც სამხედროების თქმით, ჯარები შეხვდნენ „ძალადობრივ ბუნტს“, რომელიც მოიცავდა ქვების სროლას ისრაელის ძალებისაკენ. ჯარებმა გამოიყენეს არეულობის დარბევის საშუალებები, მათ შორის, სროლა რუგერის შაშხანიდან და განაცხადეს, რომ ტყვია მოხვდა პალესტინელს. რუგერის ტყვიები ნაკლებად სასიკვდილოდ ითვლება, ვიდრე უფრო დიდი კალიბრის ტყვიები, რომლებიც

ჩვეულებრივ გამოიყენება IDF-ის მიერ. მაგრამ უფლებადამცველმა ჯგუფებმა დაგმეს რუგერის ცეცხლის გამოყენება არეულობის კონტროლისთვის, რადგან იარაღს ჯერ კიდევ შეუძლია მოკვლა. სამხედროებმა დაშავებულის მდგომარეობის შესახებ დამატებითი დეტალები არ გაავრცელეს, ხოლო ოფიციალური პალესტინის საინფორმაციო სააგენტო „ვაფა“ აცხადებს, რომ შეტაკებისას არავინ დაშავებულა. IDF-მ და სასაზღვრო პოლიციამ ასევე ამოიღო მრავალი უკანონო იარაღი, მათ შორის M-16 დასავლეთ სანაპიროს სოფელ სილვადში. გარდა ამისა, ძალებმა დააკავეს სამი ტერორიზმში ექვმიტანილი პირი პალესტინის სოფლებში იამუნში, ბურქინსა და იაბადში, ქალაქ ჯენინის მახლობლად, განაცხადა არმიამ. IDF-მ დამატებით დააკავა ორი ექვმიტანილი ალ დოჰაში, ბეთლემის მახლობლად, საიდანაც ასევე იყო შეტყობინება „ძალადობრივი არეულობის შესახებ“.

პალესტინა

[ღაზას ჰამასის მმართველებმა ახალი სასწავლო წლის დაწყებასთან ერთად დაანერგეს ახალი გადასახადები იმპორტირებულ ტანსაცმელსა და საოფისე ნივთებზე.](#) რამაც გამოიწვია შეზღუდული, მაგრამ იშვიათი პროტესტები გალატაკებულ სანაპირო ზოლში. ბოვეიკთა ჯგუფის ეს ნაბიჯი იმ დროს გადაიდგა, როდესაც ღაზას 2.3 მილიონიანი მოსახლეობა იტანჯება არამხოლოდ ისრაელ-ეგვიპტის 15-წლიანი ბლოკადით, არამედ ფასების ახალი ცვლილებით, რომელიც გამოწვეულია გლობალური მინოდების ჯაჭვის პრობლემებითა და რუსეთის შეჭრით უკრაინაში. „ეს არის არასწორი, მჩაგვრელი გადაწყვეტილება, რომელიც ანგრევს ეროვნულ ეკონომიკას“ - თქვა ნაჰედ ალ-სავადამ, რომელიც ტანსაცმლის იმპორტიორია ჩინეთიდან და თურქეთიდან. ეკონომიკის სამინისტროს სიაში შედის დაგეგმილი გადასახადები ისეთ პროდუქტებზე, როგორცაა დაფასოებული თხილი, იმპორტის ტარიფით 2000 შეკელი (დაახლოებით 600 \$) ტონაზე. მანამდე თხილი გადასახადის გარეშე შემოდიოდა. გადასახადები 1 აგვისტოდან ამოქმედდება.

ერაყი

[ერაყსა და თურქეთს შორის უთანხმოება ერაყის ჩრდილოეთ ქურთისტანის რეგიონში ბოლოდროინდელ სასიკვდილო თავდასხმასთან დაკავშირებით სამშაბათს, გაეროს უშიშროების საბჭოს საგანგებო სხდომაზე გამწვავდა.](#) ერაყის საგარეო საქმეთა მინისტრმა მოითხოვა ყველა თურქული ჯარის გაყვანა მისი ქვეყნიდან, ხოლო თურქეთის ელჩის მოადგილემ განაცხადა, რომ მისი მთავრობა გააგრძელებს იმ მეზობლების დევნას, რომლებსაც ის ტერორისტებად მიიჩნევს და რომლებიც თავს ერაყს აფარებენ. ერაყის მთავრობამ შეხვედრა მოითხოვა 20 ივლისის საარტილერიო თავდასხმის შემდეგ, რომლის დროსაც ცხრა ერაყელი ტურისტი დაიღუპა და 33 ადამიანი დაშავდა. ერაყის საგარეო საქმეთა მინისტრმა, ფუად ჰუსეინმა განაცხადა, რომ მთავრობას აქვს „მტკიცებულებები“, რომლის მიხედვითაც პასუხისმგებლობა თურქეთის შეიარაღებულ ძალებს ეკისრება. ამის მიუხედავად, თურქეთი უარყოფს, რომ თავდასხმის უკან დგას და ადანაშაულებს ქურთისტანის მუშათა პარტიის, ანუ PKK-ის მეზობლებს, რომელსაც ანკარა და დასავლეთი ტერორისტულ ორგანიზაციად მიიჩნევენ. იგი ათწლეულების

განმავლობაში აწარმოებდა აჯანყებას ანკარაში მთავრობის წინააღმდეგ და ინარჩუნებს სამალავებს ერაყის მთიან ჩრდილოეთში.

უშიშროების საბჭოს სხდომის დასაწყისში გაეროს სპეციალურმა წარმომადგენელმა ერაყში განაცხადა, რომ თურქეთი და ერაყი მზად არიან ერთობლივი გამოძიებისთვის კურორტ პარხაზე, ზახოს რაიონში, ნახევრად ავტონომიური ქურთული რეგიონის საარტილერიო დაბომბვის საქმეზე. ჟანინ ჰენის-პლასშეერთის განცხადებით, ერაყის მოვალეობის შემსრულებელმა პრემიერ-მინისტრმა მუსტაფა ალ-კადიმიმ ორშაბათს, საუბრისას ხაზი გაუსვა "გამჭვირვალე და საფუძვლიანი, დამოუკიდებელი თუ ერთობლივი" გამოძიების მნიშვნელობას.

ქურთისტანის რეგიონული მთავრობის საერთაშორისო ადვოკატირების კოორდინატორის, დოქტორ დინდარ ზებარის მიერ გასულ კვირას პრესკონფერენციაზე გაკეთებული განცხადების თანახმად, [დაეშის თავდასხმებმა ერაყსა და ქურთისტანის რეგიონს შორის სადავო ტერიტორიებზე 2021 წლის იანვრიდან 2022 წლის აპრილამდე 400-მდე ადამიანის სიცოცხლე შეიწირა](#). „დაეშის 283-ზე მეტი ტერორისტული აქტი დაფიქსირდა სადავო რაიონებში 2021 წლის იანვრიდან 2022 წლის აპრილამდე, რასაც შედეგად მოჰყვა 399 ნამებული, 539 დაჭრილი ადამიანი და გატაცების 40 შემთხვევა“, - თქვა ზებარამ. „ტერორისტების მიერ გამოყენებული თავდასხმების ტიპები მოიცავდა დადასტურებულ თავდასხმებს (affirmative attacks), ჩასაფრებას, თვითმკვლელ აფეთქებებს, ავტოლოკალიზირებულ მანქანებსა (body-trapped vehicle) და მოტოციკლს, ყალბ საგუშაგოებს, რაკეტებს, ნაღმმტყორცნებსა და გატაცებებს. ორშაბათს ქურთისტანის რეგიონის პრეზიდენტმა ნეჩირვან ბარზანმა აღნიშნა, რომ დაეშის ბოლო თავდასხმები ერაყში წარმოადგენს „სერიოზულ საფრთხეს“. ეს განცხადება მოჰყვა ერაყის რამდენიმე პროვინციაში კვირას დაეშის თავდასხმებს, რასაც სულ მცირე შვიდი ადამიანის სიცოცხლე ემსხვერპლა, მათ შორის უსაფრთხოების ძალების წევრებისაც და დაშავდა 20 სხვა. ქურთი მაღალჩინოსნები არაერთხელ აფრთხილებდნენ საერთაშორისო საზოგადოებას დაეშის საფრთხის შესახებ, განსაკუთრებით ერბილსა და ბაღდადს შორის სადავო ტერიტორიებზე.

იემენი

[კვირას, გაეროს ელჩმა იემენში დაგმო მემბოხეების მიერ ქვეყნის სამხრეთ-დასავლეთით მდებარე ქალაქ თაიზის საცხოვრებელი უბნის სავარაუდო დაბომბვა, რის შედეგადაც დაიღუპა ერთი ბავშვი და დაიჭრა 10](#). თაიზი, იემენის სიდიდით მესამე ქალაქი და ამავე სახელწოდების პროვინციის დედაქალაქი, 2016 წლიდან ჰუთი მემბოხეების მიერ დანესებულ ბლოკადაშია. ჰუთი მემბოხეები ებრძვიან ქვეყნის საერთაშორისოდ აღიარებულ მთავრობას, რომელსაც მხარს უჭერს საუდის არაბეთის ხელმძღვანელობითი კოალიცია. ჰუთებმა უარყვეს გაეროს ორი შემოთავაზება მათი ბლოკადის დასრულების შესახებ. მეომარ მხარეებს შორის ზავი, რომელიც თავდაპირველად ძალაში შევიდა აპრილში და გაგრძელდა ივნისამდე, მოითხოვდა თაიზის გარშემო და იემენის სხვა ადგილებში გზების ხელახლა გახსნას. თვითმხილველის, ფათჰი ალ-საქაფის თქმით, ბავშვების ჯგუფი თამაშობდა ღია ადგილას თაიზში, ზაიდ ალ-მოშკის მახლობლად, როდესაც თავდასხმა მოხდა.

თვითმხილველის თქმით, დაბომბვის შედეგად სახლიც დაზიანდა. მთავრობის ინფორმაციით, ერთ-ერთი დაჭრილი ბავშვი კვირას გარდაიცვალა.

მალი

[აღ-ქაიდას შვილობილმა ორგანიზაციამ შაბათს, ქვეყნის მთავარ სამხედრო ბაზაზე მომხდარ თავდასხმაზე პასუხისმგებლობა აიღო](#), რომელიც მათი თქმით მთავრობის რუს დაქირავებულ მებრძოლებთან თანამშრომლობაზე პასუხი იყო. კატის ბაზაზე პარასკევს მომხდარ დარბევისას, რომელიც დედაქალაქ ბამაკოდან 15 კილომეტრში იმყოფება, დაიღუპა მინიმუმ ერთი ჯარისკაცი. ასევე, ეს იყო პირველი შემთხვევა, როდესაც ისლამისტმა ბოევიკებმა დედაქალაქთან ასე ახლოს მდებარე სამხედრო ბაზას დაარტყეს. მალის სამხედროები აცხადებენ რომ რეიდისას, რომელიც განხორციელდა ორი ბომბის მანქანის გამოყენებით, ასევე დაიჭრა ექვსი ადამიანი, ხოლო დაიღუპა შვიდი და დააკავეს რვა თავდამსხმელი. აღ-ქაიდას ადგილობრივი ფილიალის, ჯამაათ ნუსრათ აღ-ისლამ ვალ მუსლიმინის (JNIM) მედია განყოფილებამ განაცხადა, რომ თავდასხმა მისმა ფილიალმა ქატიბა მაქინამ (Katiba Macina) განახორციელა. პარასკევს გავრცელებულ განცხადებაში მალის სამხედროებმა თავდასხმაში ქატიბა მაკინა დაადანაშაულეს. JNIM-ის განცხადებაში ნათქვამია, რომ მალის მებრძოლმა ააფეთქა ბომბის მანქანა ბაზის კარიბჭესთან, ხოლო ბურკინა ფასოს მებრძოლმა ააფეთქა მეორე ბაზის შიგნით, რამაც დამატებით მებრძოლებს ბანაკში შესვლის საშუალება მისცა. მან თავდასხმა გაამართლა მალიში რუსული ვაგნერის ჯგუფის დაქირავებული მებრძოლების არსებობით, რომელმაც შარშან დაიწყო ასობით მებრძოლის მიწოდება მალის სამხედროების მხარდასაჭერად. ასევე, მათ ადგილობრივი მოსახლეობა და უფლებადამცველი ჯგუფები ადანაშაულებენ მშვიდობიანი მოსახლეობის ხოცვა-ჟლეტაში მონაწილეობაში.

[ისლამისტმა ბოევიკებმა ოთხშაბათს მალის სამხრეთ-დასავლეთში ორი ცალკეული თავდასხმის დროს მოკლეს 15 ჯარისკაცი და სამი მშვიდობიანი მოქალაქე](#), ნათქვამია არმიის განცხადებაში. ექვსი ჯარისკაცი დაიღუპა და 25 დაიჭრა, როდესაც ბოევიკები თავს დაესხნენ სამხედრო ბანაკს სონკოლოში, სოფლის კომუნაში სამხრეთ-ცენტრალურ სეგუს რეგიონში, დედაქალაქ ბამაკოს ჩრდილოეთით 300 კილომეტრზე მეტი დაშორებით. სამხრეთ-დასავლეთის ქალაქ კალუმბაში მდებარე სხვა ბანაკზე თავდასხმის დროს კი ცხრა ჯარისკაცი და სამი მშვიდობიანი მოქალაქე დაიღუპა. ცენტრალურ ქალაქ მოპტში მდებარე კიდევ ერთ სამხედრო ბაზაზე განხორციელდა თავდასხმა ღამით, მაგრამ თავდამსხმელებმა უკან დაიხიეს მსხვერპლის გარეშე. ყველა თავდასხმა საბოლოოდ მოგერიებულ იქნა და ჯარისკაცებმა 48 ბოევიკი მოკლეს სონკოლოში. აღ-ქაიდასთან და დაეშთან დაკავშირებულმა ბოევიკებმა არაერთხელ დაარბიეს ბაზები მალის მასშტაბით ათწლეულის განმავლობაში მიმდინარე აჯანყების დროს, რომელიც კონცენტრირებულია ქვეყნის ჩრდილოეთსა და ცენტრალურ ნაწილში. ამ ჯგუფებმა ტერიტორიები მოიპოვეს მიუხედავად მალიში უცხოური ჯარებისა და გაეროს სამშვიდობო ძალების არსებობისა. პარასკევს, ბამაკოს მახლობლად, მალის მთავარ სამხედრო ბაზაზე განხორციელდა კომპლექსური თავდასხმა, ამ შემთხვევის დროს ამბოხებულები ყველაზე ახლოს მივიდნენ დედაქალაქთან ბოლო წლების განმავლობაში.

ნიგერია

სამხედრო დაზვერვის წყაროებმა განაცხადეს, რომ [ტერორისტები უფრო მეტ თავდასხმას გეგმავენ გუსაუს, ბირნინ კების და კაცინას ობიექტებზე](#). რათა გაათავისუფლონ თავიანთი დაპატიმრებული მებრძოლები. თავდასხმების განხორციელება დაგეგმილია თანმიმდევრულად, ჯერ გუსაუს, შემდეგ ბირნინ კებში და ბოლოს კაცინაში, განუცხადეს სამხედროებმა გამოსასწორებელ სამსახურს, აცხადებენ ოფიციალური პირები. წყაროების მიხედვით, ეტაპობრივი გეგმა იმიტომ არის, რომ ტერორისტებს არ შეუძლიათ საკმარისი ლოგისტიკური შესაძლებლობების მობილიზება სამ სახელმწიფოზე ერთდროულად დარტყმისთვის. ყველა სამიზნე ობიექტი ნიგერიის ჩრდილო-დასავლეთშია. ISWAP-ის, ანსარუსა და ბოკო ჰარამის იშვიათმა თანამშრომლობამ გამოიწვია 6 ივლისს თავდასხმა კუჯეს ციხეზე ფედერალურ დედაქალაქში, აბუჯაში. თავდასხმამ აჩვენა ტერორისტების შესაძლებლობა, გამოიყენონ ნიგერიის გაუარესებული დაუცველობა პრეზიდენტ მუჰამადუ ბუჰარის დროს.

[ჯიჰადისტებმა მოკლეს სამი პოლიციელი და ვიჯილანტე ჩრდილო-აღმოსავლეთ ნიგერიის ბორნოს შტატში ადგილობრივი ჩინოვნიკების კოლონაზე ჩასაფრებისას](#). განაცხადა ხუთშაბათს მილიციის ორმა წყარომ. დაეშის დასავლეთ აფრიკის პროვინციის (ISWAP) მებრძოლები სარაკეტო ყუმბარით ოთხშაბათს თავს დაესხნენ ნგანზაის რაიონის პოლიტიკური ადმინისტრატორის, აშეის მამმან გადაის კოლონას, როდესაც ეს უკანასკნელი უკან ბრუნდებოდა გარნიზონის ქალაქ მონგუნოდან. ISWAP-მა გააძლიერა თავდასხმები მოგზაურებზე მაგისტრალის გასწვრივ, სადაც ისინი აწყობენ საგუშაგოებს, ძარცვავენ და კლავენ მძღოლებს. თითქმის ყოველდღიური თავდასხმების გამო საჭირო გახდა სამხედრო პატრულირება მაგისტრალის გასწვრივ, მაგრამ ძალადობა გრძელდება. 13 წლიანი ჯიჰადისტური ამბოხების შედეგად დაიღუპა 40 000-ზე მეტი ადამიანი და 2.2 მილიონი იძულებით გადაადგილდა ჩრდილო-აღმოსავლეთ ნიგერიაში.

ეთიოპია

[გასულ კვირას შაბააბმა, ალ-კაიდას ფილიალმა აღმოსავლეთ აფრიკაში, სცადა ეთიოპიის ტერიტორიაზე შეჭრა](#). თავდასხმა მინიმუმ სამი დღე გაგრძელდა და მასში, სავარაუდოდ, ასობით შაბააბის მებრძოლი მონაწილეობდა, სანამ ეთიოპიის სომალის შტატის რეგიონული ჯარები არ შეებრძოლნენ ჯიჰადისტებს და დააბრუნეს უკან სომალიში. თუმცა, ბოლო რამდენიმე დღის განმავლობაში გაჩნდა ინფორმაცია, რომ შაბააბი, შესაძლოა, მეორედაც ეცადოს ეთიოპიაში დარბევის მონცობას.

სომალი

ოთხშაბათს სამხრეთ სომალის ორ ქალაქში მომხდარი აფეთქებების შედეგად სულ მცირე ხუთი ადამიანი დაიღუპა, მათ შორის ადგილობრივი ადმინისტრატორი. [ალ-კაიდასთან დაკავშირებულმა ალ შაბააბმა აიღო პასუხისმგებლობა ორივე თავდასხმაზე](#). პირველი ინციდენტის დროს, ქვემო შაბელის რეგიონის ქალაქ აფგოიეში, მეცხოველეობის ბაზარში დამონტაჟებულმა ორმა ბომბმა სულ მცირე ოთხი ადამიანის

სიცოცხლე იმსხვერპლა. პოლიციის განცხადებით, ერთი ბომბი აფეთქდა, მაგრამ მსხვერპლი არ მოჰყოლია, შემდეგ მეორე ბომბი აფეთქდა, რის შედეგადაც 4 მშვიდობიანი მოქალაქე დაიღუპა. მეორე ინციდენტი კი ქალაქ მარკაში მოხდა და მას რაიონის კომისარი ემსხვერპლა, იტყობინება სახელმწიფო რადიო.

უზბეკეთი

[აშშ-ს დელეგაცია შეხვდა თალიბანის მაღალჩინოსნებს, რათა განეხილათ ცენტრალური ბანკის დაახლოებით 3.5 მილიარდი დოლარის რეზერვების გაყინვის შეწყვეტის ვარიანტები.](#) რადგანაც ავღანეთში ჰუმანიტარული კრიზისი გაუარესდა. შეხვედრა უზბეკეთში შედგა. აშშ-ს დელეგაციამ განუცხადა მეზობელ ჯგუფებსა და ტექნოკრატებს, რომ საჭიროა დაჩქარდეს რეზერვების განბლოკვასთან დაკავშირებული ძალისხმევა და თანხები უნდა იქნას გამოყენებული ავღანელი ხალხის სასარგებლოდ. აშშ-ს მხარეს ხელმძღვანელობდნენ სპეციალური წარმომადგენელი ავღანეთში თომას ვესტი და ფინანსთა მდივნის მოადგილე ტერორიზმისა და ფინანსური დაზვერვის საკითხებში ბრაიან ნელსონი. შეხვედრა ორ მხარეს შორის მოლაპარაკებების ბოლო რაუნდს აღნიშნავს, რამდენადაც ბაიდენი ცდილობს შექმნას მექანიზმი, რომელიც საშუალებას მისცემს ავღანეთის მთავრობას, გამოიყენოს თავისი ცენტრალური ბანკის რეზერვები, ხოლო თალიბანს შეუზღუდოს წვდომა ფონდებზე. ავღანეთმა დაკარგა საერთაშორისო დახმარება, რომელიც შეადგენდა მისი მშპ-ს 40%-ზე მეტს და გაერომ რამდენიმე მიმართვა გააკეთა მხარდაჭერისთვის და განაცხადა, რომ ავღანეთში მილიონობით ადამიანი მძიმე შიმშილობის წინაშე აღმოჩნდა.

ავღანეთი

[აშშ-ისა და თალიბანის ოფიციალურმა პირებმა გაცვალეს წინადადებები ავღანეთის ცენტრალური ბანკის რეზერვებიდან მილიარდობით დოლარის ტრასტის ფონდში \(Trust Fund\) გადაცემის შესახებ.](#) რაც იძლევა პროგრესის შეთავაზებას ავღანეთის ეკონომიკური კრიზისის შემსუბუქების მცდელობებში. განცხადებას მოლაპარაკებებში ინფორმირებული წყარო ავრცელებს. წყაროს მიხედვით, ამის მიუხედავად, მხარეებს შორის მნიშვნელოვანი განსხვავებები რჩება, მათ შორის თალიბანის უარი ბანკის მთავარი პოლიტიკური დანიშნულების შეცვლაზე, რომელთაგან ერთ-ერთი აშშ-ს სანქციების ქვეშ იმყოფება, ისევე, როგორც მოძრაობის რამდენიმე ლიდერი. ზოგიერთი ექსპერტის თქმით, ასეთი ნაბიჯი ხელს შეუწყობს ინსტიტუტისადმი ნდობის აღდგენას, ისლამისტური მეზობელი ჯგუფის ჩარევისგან დასაცავად, რომელმაც ძალაუფლება ხელში ჩაიგდო ერთი წლის წინ, თუმცა უცხოური მთავრობები ამას არ ცნობენ. გავრცელებული წყაროს მიხედვით, ფულადი სახსრების გათავისუფლებამ შეიძლება ვერ გადაჭრას ავღანეთის ფინანსური პრობლემები, მაგრამ ეს შვებას მისცემს ქვეყანას, რომელიც დაზარალდა უცხოური დახმარების შემცირებით, მუდმივი გვალვითა და ივნისის მიწისძვრით, რომლის შედეგადაც 1000 ადამიანი დაიღუპა.

ახალი ზელანდია

[ახალმა ზელანდიამ ახლახან გამოაცხადა აშშ-ს ორი ულტრამემარჯვენე ჯგუფი, ამაყი ბიჭები \(the Proud Boys\) და ბაზა \(the Base\), როგორც ტერორისტული ორგანიზაციები.](#) ეს მათ იმავე კატეგორიაში აყენებს, როგორც დაეშია და დანაშაულად აქცევს ნებისმიერი ახალზელანდიელის მხარდაჭერას ან ჯგუფში განწევრიანების სურვილს. ამით ახალი ზელანდია უერთდება დასავლეთის მთავრობების ულტრამემარჯვენე ძალადობის მზარდ ტენდენციას. ახალი ზელანდიის ქმედებები შესაძლოა მცირე ჩანდეს, მაგრამ ისინი თანხვედრაშია სხვა იმ ქმედებებთან, რაც ართულებს ულტრამემარჯვენე ჯგუფების მუშაობას და სახსრების მოზიდვას მთელს მსოფლიოში.

ტერორისტული აღნიშვნა, რომელსაც ასევე უწოდებენ პროსკრიფციას, არის პოლიტიკა, რომელსაც მრავალი ქვეყანა იყენებს ორგანიზაციების სახელმწიფოს უსაფრთხოებისთვის სერიოზულ საფრთხედ გამოცხადების მიზნით. მაგალითად, შეერთებულ შტატებს აქვს 68 ოფიციალურად დასახელებული უცხოური ტერორისტული ორგანიზაციის სია, ცალკეული ტერორისტებისა და მასთან დაკავშირებული სუბიექტების სხვა სიებთან ერთად. ახალი ზელანდიის სია, ისევე როგორც სხვა ქვეყნების სია, კრიმინალურ ქმედებად აქცევს ჩამოთვლილ ჯგუფებთან მიკუთვნებას ან მხარდაჭერას, თუნდაც ონლაინ შემოწირულებებით. ახალ ზელანდიელებს 14 წლამდე თავისუფლების აღკვეთა ემუქრებათ ტერორისტული ორგანიზაციისთვის დაფინანსების გამო.